



Claudii Fleurii Abbatis Historia Ecclesiastica

Ab anno Christi 1620 usque ad annum 1623

Fleury, Claude

August. Vind. [u.a.], 1777

VD18 90118855

§. 85. Ejusdem Facultatis querelæ contra quorumdam libros Parochorum
auctoritati injuriosos.

[urn:nbn:de:hbz:466:1-67344](#)

Sæc. XVII.
A. C. 1623.

§. LXXXV.

*Ejusdem Facultatis querelæ contra
quorumdam libros Parochorum
auctoritati injuriosos.*

*Argentre
collectt. Jud.
tom. 2.
pag. 240.
Erhard
Script. Ord.
FF. Prædic.*

Habebantur die prima Februarii solita Sorbonæ comitia, in quibus Petrus Besseus Facultatis Syndicus nomine Parochorum ex Rotomagensi, Aurelianensi, Trecensi & Parisina Diæcesibus querebatur contra P. Ivonem Pinsard Dominicanum, & Martinum le Noir Augustinianum, perinde acsi ambo libellis famosis novissime in lucem editis non sine fidelium scandalo, Catholicæque religionis detrimento in Pastorum auctoritatem, Ecclesiæ praxin antiquam, Sacramentorum administrationem, totumque ordinem Hierarchicum insolentissime inventi fuissent.

„Acrius longe contra P. Martinum de-
„clamabat Syndicus, affirmans, hujus-
„modi almæ Facultatis Alumnos Re-
„ligiosos, Doctores, & Baccalaureos
„in tam piam matrem insurgere, con-
„tra ejus statuta toties jurata scribere,
„doctrinam antiquam depravare, in ho-
„noratos Magistros suos impudentissi-
„me debachari, Pastoribus & Prælatis
„Ecclesiæ bellum indicere, & quicquid
„esset in Ecclesia Catholica ordinis

„Hie-

„Hierarchici, & Christiani regiminis, Sæc. XVII.
 „& disciplinæ, impune, & perficta A. C. 1623.
 „fronte expugnare,“ dixit præterea, ~~████████~~
 „quod graviorem sibi querendi ansam
 „præberet libellus ille, authore Fr.
 „Martino le Noir Augustiniano con-
 „scriptus, quo nullum hactenus ineptio-
 „rem, imperitiorem, & periculosiorem in
 „lucem prodiisse arbitrabatur: in eo e-
 „nim sine ordine, sine honore, sine do-
 „ctrina, sine conscientia scripta multa
 „periculosa, inepta, scandalosa, teme-
 „raria, etiam in ipsum Doctissimum &
 „celeberrimum Gersonem quondam
 „Academiæ Parisiensis Cancellarium,
 „& hujus Facultatis lumen splendidif-
 „simum injuriosa, & multa alia aperto
 „Marte contra Facultatis antiquam si-
 „mul & sanam Doctrinam pugnantia se
 „deprehendisse asseveravit, illaque lon-
 „go discursu exposuit, ideoque suppli-
 „cavit in tantæ injuriæ pœuam, cri-
 „minisque tam nefarii vindictam, ut
 „libelli illi famosi tanquam Zizaniorum
 „semina, malorum irritamenta, sedi-
 „tionum fomites, & omnis generis er-
 „rorum farragines gravi censura per-
 „stringerentur, Authores vero in eo-
 „dem crimine deprehensos tanquam
 „adulterinos, filios esse puniendos, &
 „toties jurati Sacramenti violatores in
 „perpetuum e Facultate ejiciendos,

Uu 2

„om-

Sæc. XVII. „omnibus honoribus, juribus, & pri-
A. C. 1623 „vilegiis in æternum privandos censuit.“

Præsens tum aderat Pater Martinus, qui ad hæc omnia respondit, se motum fuisse ex occasione cuiusdam Epistolæ ipsum laceffentis & ad scribendum provocantis, quam quidem didicerat Typographo traditam ex parte honorandi M. N. Fayet Parochi sancti Pauli; de cetero autem se omnia Facultatis judicio subjicere examinanda, & quidquid vel a veritate, vel a Sana Doctrina majorum alienum reperiretur, se lacrimis delere, & propriis unguibus dilacerare, imo etiam opposito scripto revocare, esse paratum, dein postulavit, ut libellus tam infaustis avibus in lucem emissus a quatuor Doctoribus perlegeretur. Hac declaratione facta ipsimet Ordinis sancti Augustini Superiores adeo non (uti tamen in causa Molinæ saepiusque aliis occasionibus factum) hunc subditum suum defenderunt, ut potius in eum insurgentes asseruerint, illum tam infelix opus sine Consilio & Licentia Superiorum edidisse, supplices, ut culpa soli Authori minus bene sapienti cederet, nec toti Ordini tribueretur. Quantum vero ad P. Ivonem jam anno priori die prima Decembris Facultas censuerat, eum unacum suis Approbato-

batoribus ad comitia publica esse vo-
candum, interim vero a duobus Do-
ctoribus ejus librum examinandum:
hoc anno autem ejusdem Superiores
asseruerunt: ipsum non esse in hac urbe,
illoque inconsulto libellum prædictum
sub suo nomine prodiisse, ideoque sup-
plicarunt, ut ejus reditus expectare-
tur, nec inauditus condemnaretur.
Postea P. Martini liber Doctoribus ex-
aminandus tradebatur, ut si quid in
eo contra sanam doctrinam, bonosque
mores inveniatur, penitus expungere-
tur, Authorque, nisi resipuerit, ex
Doctorum Albo delendus esset: quo-
niā vero Pater Ivo accusabatur, quod
in suo libro, cui titulus: *Religiosorum
Delegatio, seu examen legitimæ laicorum
confessiones excipiendi potestatis, qua FF.*
*Mendicantes aliique exempti gaudent, in-
jurias in Parochos effutiisset, hinc idem
Pater mentis suæ declarationem ad
Facultatem transmisit, quæ die prima
Julii publice perlecta, Doctoribus mi-
nus probabatur ob terminos ambiguos,
& quodammodo illusorios, quibus con-
cepta erat: Decretum igitur est, ut
hic Pater vocaretur publice, & coram
tota Facultate aliam declarationem
exhibiturus, deque injuriis præ-
dicto libello insertis veniam petiturus
esset: eo autem accersito, monitoque*

Uu 3 a Do-

Sæc. XVII. mino Syndico, ut clarius culpam suam
A. C. 1623 profiteretur, ipse respondit, se id nun-
 quam præstiturum, neque agnitorum
 ulla in suo dicto libello injurias in
 quemquam contineri, easque solum
 depravato quorumdam judicio ita ju-
 dicatas, sibique immerito imputatas,
 idcirco rogare Sapientissimos Faculta-
 tis Magistros, ut æqua mente, & sine
 passione secum agerent. His auditis,
 eoque ingressus Tonnelerus sancti
 Euistachii Parochus Parisiensium Paro-
 chorum Syndicus petiit, ut præfatus
 P. Ivo cogeretur non tantum scripto,
 sed ore proprio coram tota facultate
 declarare, se male & insolenter scri-
 psisse, tum in totam Facultatem, tum
 in Parochos & Praelatos Hierarchicos,
 quos injuriis, & contumeliis in multis
 sui libelli locis affecisset: alioquin ipso
 facto non tantum a Licentiæ gradu,
 sed a Facultate etiam penitus rejice-
 retur. Percepta hujus Parochi postu-
 latione, & collectis singulorum tam
 Sæcularium, quam Regularium Senten-
 tiis conclusum est, quandoquidem
 contra communem sensum Facultatis
 ipse Pater Ivo Pinsart non agnosceret
 veras contumelias in suo libello con-
 tineri, ut iterum vocaretur, & reipsa
 injuriosa & contumeliosa verba in ipso
 suo libello contineri fateretur, propter
 quæ

quæ veniam nunc a facultate postula-
ret. Deinde eoquod in his Comitiis A.C. 1623.
immodesta & immorigera verba protu-
lisset, denuo atque iterum veniam pe-
teret: alioquin si renueret, ex tunc
haberetur expunctus omnino ab eadem
Facultate, cui conclusioni prius sibi
lectæ coram omnibus acquievit, eam-
que proprio chirographo obſignavit.

Nihilominus Facultas aduersus Ivo-
nem nihil amplius decreverat, sed ipſe
primos Doctoratus ſui gradus libere
prosequi permittebatur, partim quod
præfato libro ejus nomen non fuiffet
additum, partim quod hic liber eidem
temere adscriptus crederetur, qui e-
tiam anno 1648. ſub ementito Joannis
Tariponii nomine rursus Parisinis lite-
ris excusus prodiit.

Die autem prima Augufti eadem
Facultas Joannis Beloti Milmontensis
Parochi librum, cui titulus: *Perfelliſ-
ſimum opus Scientiæ Stegænographicæ, Pa-
ulinianæ, Armandallesiæ, & Lullisticæ*
&c. tanquam exitiosum censura per-
ſtrinxit, ac Parifiensem & Carnoten-
ſem Epifcopos rogauit, ut hunc librum
in ſuis Diæcesibus prohibeant, atque
in Authorem animadvertant, hujusque
opusculi venditionem impediант.

Uu 4

§.LXXXVI.